

**ZDRAVSTVENA USTANOVA
DOM ZDRAVLJA
BIHAĆ**

P R A V I L N I K

**O USLOVIMA I NAČINU FORMIRANJA CIJENA
PROIZVODA / ROBA / USLUGA**

Bihać, novembar 2011. godina

U skladu sa čl. 11. i 13. Zakona o računovodstvu i reviziji u Federaciji BiH („ Službene novine Federacije BiH“ , BROJ 83/09), a na osnovu člana 15. Statuta Zdravstvene ustanove Dom zdravlja Bihać (prečišćeni tekst): Upravni odbor na sjednici održanoj dana 21.11.2011. donosi:

**PRAVILNIK
O USLOVIMA I NAČINU FORMIRANJA CIJENA
PROIZVODA / ROBE / USLUGA**

I OPŠTE ODREDBE

Član 1.

Ovim Pravilnikom se uređuju uslovi i načini formiranja cijena komercijalnih usluga.

Član 2.

Cijene se formiraju slobodno, prema uslovima tržišta. Pri formiranju cijena usluga neće se vršiti dogovor sa drugim pravnim i fizičkim licima, koristiti monopolski položaj, niti druga pravna i fizička lica dovoditi u neravnopravan položaj.

Član 3.

Cijene usluga koje su predmet prodaje, načelno se formiraju na način i po postupku utvrđenim ovim Pravilnikom.

II POSTUPAK FORMIRANJA CIJENA

Član 4.

Za formiranje cijena i utvrđivanje uslova prodaje usluga, nadležan je direktor.

Direktor može ovlastiti i drugog zaposlenika da vrši formiranje cijena i utvrđivanje uslova prodaje usluga.

III FORMIRANJE CIJENA USLUGA

Član 5.

Prodajna cijena usluga se iskazuje bez PDV- a a ima sljedeću strukturu:

- a) troškovi rada i drugi troškovi osoblja koje je direktno angažovano na pružanju usluga;
- b) troškovi nadzornog osoblja;
- c) režijski troškovi;

- d) ostali troškovi direktno vezani za pružanje usluga;
 - e) uslužna marža;
- Za prodajnu cijenu usluga se ne sačinjava kalkulacija.

IV DAVANJE POPUSTA

Član 6.

Direktor ili od njega ovlašteno lice, može prilikom prodaje usluga, pod određenim uslovima, davati kupcima popuste.
Popusti se mogu odobravati prilikom pružanja usluga.

Član 7.

Odlukom direktora, odnosno od njega ovlaštene osobe, utvrđuje se visina popusta i kriterij, odnosno uslovi koje treba da ispuni kupac da bi mu popust bio odobren.
Visina popusta nije ograničena, ali se prilikom odobravanja trebaju poštivati odredbe propisa o zaštiti potrošača.

V OSTALE ODREDBE

Član 8.

Za primjenu ovog Pravilnika odgovoran je direktor, odnosno od njega ovlaštena osoba.

Član 9.

Ovaj Pravilnik stupa na snagu i primjenjuje se danom donošenja .

Broj: 352 / 11

Bihać, 28.11.2011. godine

**PREDSJEDNIK
UPRAVNOG ODBORA:**

